

113733



113733

Kalkona.

I Historia Scholarum


Mag. St. Dr.

Vratislavar. gymnas. Magdalenaeum.

Paedag: f. 31.

Fechneri Joh. De Horis Exercitationes etc.

1666.



J. F.
DE HORIS
EXERCITATIONES
ORATORIAS
ET POETICAS,
SOLENNI IN ACTU
GYMNASII MAGDALENÆI,
Die 11. Novemb. hor. ab 8. matut.
recitandas
indicit
M. Johannes Fechnerus.

1666.

VRATISLAVIÆ,
In Hæredum Baumannianorum Typographiâ
exprimebat Joh. Christoph. Jacobi.

149.



Lecturis
Salutem, Observantiam, Amorem.

Merito nos in summam rapit admirationem luculentissima illa Plinii Junioris narratio, quâ Marco (L. 3. ep. 5.) avunculi sui, Plinii Majoris, pertinacissimam in studiis jugiter exequendis industriam exponit. Sanè erit operæ precium ipsa florentissimi scriptoris verba cognoscere. Erat illi, ait, acre ingenium, incredibile studium, summa vigilancia. Lucubrare à Vulcanalibus incipiebat, non auspicandi causâ, sed studendi, statim à nocte multâ, hycme verò ab hora septimâ: vel cum tardissimè, octavâ, sèpè sextâ. Erat somni parcissimi, nonnunquam etiam inter ipsa studia instantis & deserventis. Ante lucem ibat ad Vespasianum Imperatorem; nam ille quoq; noctibus utebatur: Inde ad delegatum officium. Reversus domum, quod reliquum temporis studiis reddebat. Post cibum astate, si quid ocii, jacebat in sole, liber legebatur, annotabat excerptaq;. Tanta erat parsimonia temporis. Hæc inter medios labores urbisq; fremitum. In secessu solum balinei tempus studiis eximebatur. In itinere quasi solitus cæteris curris huic uni vacabat. Ad latus notarius cum libro & pugillaribus. Hæc ille domesticus oculatusq; tantæ diligentia testis. Quis jam ex istis, qui totâ vitâ libris adsident, huic litterarum, ut ita dicam, helluoni collatus, non quasi

113733

I br.



somno

somno & inertiae deditus erubescat? Nam omnes illi, qui
studiosi amant dici, sic um hoc in comparationem veni-
ant, desidiosissimi sunt. Fatetur id de se ultrò, qui istam
avunculi sui incessabilem industriam memoriae commen-
davit, Junior ille Plinius, Plinius, inquam, qui totos, si
Martiali credimus, dies tetricae Minervae dabat, cuius
orationes elaboratissimæ, quos in centum virorum consellu
aut frequenti in Senatu cum applausu recitabat, non minus
quam Demosthenis sermones lucernam olebant, qui non
in urbe duntaxat, sed & in secessu, ubi alii quieti vacabant
& corpori, cuius fulturis animus sustinetur, cum libel-
lis loquebatur, ibiq; otium negocio pulcrius in musæo
vero secretoq;, quod multa fuggerebat, multa dictabat, le-
gendo scribendoq; suavissimè exigebat, qui in venatione
quoq;, cum ad retia sederet, non venabulum aut lan-
ceam, sed stylum & pugillares habebat in proximo &
aliquid enotabat ac scribebat subinde, quod Tullianis
quoq; chartis comparandum. Distringebant illum per-
petuò aut publica, aut amicorum officia, in quibus
ramen expediendis tempus parum benè se collo-
casse credebat, quod studiis pausam aliquam injecissent.
Libet denuò viri disertissimi ipsa regustare verba. (L. 1.
ep. 9.) Mirum est, inquit, quam singulis diebus in urbera-
rio constet aut constare videatur, pluribus non constet. Nam si
quem interroges: Hodie quid egisti? respondeat, officio togæ
virilis intersui, sponsalia aut nuptias frequentavi: ille me ad
signandum testamentum, ille in advocationem, ille in consilium
rogavit. Hæc quo die feceris, necessaria: eadem, si quotidie
fecisse te reputes, inania videntur, multo magis cum secesseris.

Tunc enim subit recordatio; quæ dies quam frigidis rebus absumsi! Quod evenit mihi, postquam in Laurentino, meo aut lego aliquid aut scribo O incredibilem litterarum amorem! En Secundus noster, exemplo domestico monitoq; avunculie excitatus omne tempus periisse arbitrabatur, quod studiis non impertiretur. Negocia illa urbana & forensia, præ litterarum elegantium tractatione frigida, imò ut ibidem subiicit, inanes discursus & multum inepti labores illi videbantur, cum tamen iis non è vulgo homines, sed civium præcipui, qui ad honores publicos adspicabant, operarentur adsiduò. Grex enim Quiritium proletarius otio inerti maximam partem addicatus, duastantum res, ut testatur Juvenalis, (sat. 10.) panem & Circenses, anxius optabat, contentus, si sportulam centum quadrantibus æstimatam pro præstito togæ officio a patronis, vel ex largitionibus congiariisq; Magistratum & principum, oblarà tesserulâ, far in viatum necessarium acciperet, ut alienâ ex liberalitate vitam colens ludis Circensis & amphitheatralibus spectandis citra omne negocium vacare posset. Nimirum his impensis simè favebat: quod dulcus appositè exprimit Scriptor De causis corruptæ eloquentiæ, quem Lipsius (L. i. Saturn. c. 7.) laudat. Sic enim iste inter alia differit: Jam propria & peculiaria hujus urbis vitia pænè in utero matris concipi mihi videntur, bistrionalis favor & gladiatorum equorumq; studia, quibus occupatus obsecfusq; animus quantulum loci bonis artibus relinquit? Quos alios adolescentolorum sermones excipimus, cum auditoria intramus?

Quor-

Quorsum hæc à nobis memorantur? Nempe ut ju-
ventutem lubricam ab otio inerti ad studia litterarum,
strenuè prosequenda, à ludicris, quibus oppidò delecta-
tur, ad severioris Hermathenæ negotia jugiter obeunda,
ad moto quasi thyrso, suscitemus. Deprehendimus enim
non paucos adolescentum, qui discendis bonis artibus
sunt consecrati, desidiosæ, operari Fessoniæ, qui tempus
studiis melioribus impendendum rebus frivolis, ludis va-
nissimis, intempestivis ambulationibus, irreparabili cum
damno, conterunt, ita ut ipsis Plinianum illud celeusma
sit occinendum: *Poteratis (imò debebatis) has saltim horas non perdere.* Quid, quod malè feriati isti & discincti
Nattæ, dum nihil agunt, malè agere discunt. Nam luri-
conum madidorum contubernio frequenter immersi non
tantum solidam de die, sed & de nocte partem inter po-
cula rorantia pessimè comburunt, creduntq; se florem
illum ætatis vernæ deliciis fruendis idoneum perdidisse,
nisi sic perdidissent.

Quid igitur aliud nobis, qui formandis ad humani-
tatem animis adolescentum nostram addiximus operam,
incumbit, quam ut dissolutam, corruptam & in effre-
nem licentiam effusam juventutem omni virium conten-
tione, omnibus dehortationum, objurgationum, casti-
gationum adhibitis machinis, è Circæis voluptatum lati-
bulis, e ludo & luto nequitiae, e putri Vacunæ sinu eripia-
mus, ereptos ad frugem vitæ melioris sedulò provocemus.

Quod si acribus nimis Pliniorum exemplis, aut alio-
rum ex austerâ illa sapientum antiquorum tribu, quorum

indefessum studium serie prolixâ recenset Valerius, (L. 8.
c. 7.) non sunt urgendi, si ad noctes Atticas inter lucernas
vigiles exigendas non sunt vocandi, ut visum Mitioni-
bus, qui homines adolescentulos malacum in modum tra-
Etandos censem; vocandi tamen sunt, ut cum Tullio
(2. Tus. qq.) dicam, ad clepsydram, ut nullam diei ho-
ram otiosam elabi patientur, ut ὡρᾶς ὡρῶν & quævis suo
agant tempore, quod ceu thesaurum preciosissimum re-
bus frivolis absumere non debent.

Cum verò exempla ad movendos animos plurimum
valeant, cur potius homines nauci nihilq; spectant, quam
viros omnium ordinum, dignationum, officiorum con-
summatissimos, qui tempus exactè dispensant gravissi-
misq; impendunt negotiis? Nihil in Ecclesiâ, nihil in
Republicâ agitur, quod non statis diebus, statis horis aga-
tur. Ac ne extra scholæ parietes latius evagemur, nonne
docentes pariter & discentes operas nostras præstitutis
obimus horis? Monent hoc horologia Reipublicæ apud
nos bene ordinatæ signa clarissima, quæ aures nobis sub-
inde vellunt & suggerunt solenne illud veterum mnema:
Hoc age. Monent clepsydræ, velut novo pro re natâ di-
ci poterunt vocabulo, cleplammidia, præsertim illud,
quod in superiori Gymnasii nostri auditorio e regione
cathedræ suspensum illustrem hanc oculis nostris legen-
dam exhibet epigraphen: *Fugit irreparabile tempus.* Mo-
nent deniq; solaria vel scieteria, imprimis emblematicum
illud & affabré effectum, quod in Nummo Senatorio, qui
in Actibus solennibus adolescentibus, qui specimina in-
dustriæ

dustriæ ediderunt, tribui solet, memorabili hoc insigni-
tum est Lemmate: *Nulla hora sine linea* Hoc ipsum dignum
omnino mihi visum, ut in Actu solenni, qui jam exami-
ne publico pronuper exacto mihi adornandus, Suadâ
pleniori explicaretur. Sic enim Magnifici Senatus incly-
tissimæ hujus Reipublicæ voluntati satis factum iti existi-
mavi, si juventus scholastica tam congruâ occasione ob-
latâ tempestivè ad studia sedulo continuanda excusso susci-
taretur veterno.

Quod cum Die crastino horis antemiridanis, Deo
clementer indulgente, exequi meditemur producturi ado-
lescentes puerosq; delectos, qui sermones de tempore,
præsertim verò de Horis rectè dispensandis habebunt & re-
citabunt, *A Vobis Viri Magni, Clari, Docti, Boni, studiorum*
liberalium Patroni submississimè venerandi, Fautores enixè
honorandi, cā quā pars est observantiâ & contentione perimus.
ut si a gravioribus negociis aliqua vobis concessa fuerit pausa,
indicto cras tempore ad Gymnasium nostrum visere & decla-
matores recitatoresq; nostros mente benignâ audire dignemini.
Equidem non habeo promittere vobis Plinianum aut Tul-
lianum eloquentiæ apparatum: cognoscere tamen erit exer-
citium latinitatis à discipulis hisce nostris, qui ad dicendum
prodibunt, non fuisse negligenter habitum, id quod gravissimo
æquissimoq; judicio vestro explorandum summittunt,
Numen supremum mecum rogantes, ut vos omnes & singu-
dulos incolumes incolumi cum Republica conservet. P.P.
Anno restitutæ per Christum salutis 1666. die 10. Novembr.
quo olim A. 1604. in lucem editus & suscepto sancti baptis-
matis sacramento Ecclesiæ Christi fui insertus. Pro-

Producuntur,

I. Adolescentes & exiis

1. Declamaturi

1. Soluto sermone

1. Johannes Rungius Wratisl. evoluturus Lemna Numismati Senatorio,
quod præmii loco distribuendum, insertum: Nulla Hora sine linea.
2. Andreas Schüllerus Steinovia-Silesius, expositorus Mnemona Clepsam-
midio Primi Ordinis inscriptum: Fugit irreparabile tempus.
3. Johannes Reinholdus Baussius Hallensis Saxo, explicaturus Aphoris-
mum Hippocratis: ὥσπειρα ὥσπειρος.
4. Christophorus Fribenius Landshutta-Sil. eundem Aphorismum Graciam
oratione exarratus.

2. Vincto sermone, commendaturi 4. Anni Horassen Tempestates.

1. Ver, Casparus Neumannus Wratisl.
2. AEstatem, Gotofredus Steudnerus Gryphorinus Sil.
3. Autumnum, Johannes Albertus Crantzus Leorinus Sil.
4. Hyemem, Gotofredus Büttnerus Leorinus Sil.

2. Collocuturi seu formâ Dialogi disserturi de Horis specialiter sic dictis i. e. de partibus diei, nec non horologis & quidem sub persona

1. Theologi, Christianus Herrmannus Namsta-Sil.
2. Chronographi, Johannes Ernestus Güssowius Dracomontio-Sil.
3. Politici, Adamus Sigismundus Scholtz, Wratisl.
4. Poetæ, Georgius Neukirch Lesna-Polonus.

II. Pueri recitaturi,

1. Descriptiones metricas & variatas 4. anni horarum sive tempestatum que in calce oper. Virgil. leguntur,

Gottfried Heidenreich Olsnensis,	Christianus Exnerus Cuprimont.
David Gräbner Wratisl.	Feremias Scheibel Wrat.

2. Gnomas de Tempore selectas ex Statellito virtutum Ludovici Vivis,

Ezaias Sauer Wratisl.	Christianus Scholtz Wrat.
-----------------------	---------------------------

Christoph. Gottfried Welzel Wrat.	Samuel Pretorii in Rauske Herod.
-----------------------------------	----------------------------------

His auditis Praemia Magnifici Senatus, præmiso brevi de Horologio carmine à
brabant tribuentur.



